

Ugovorne strane u okvirnom sporazumu:

Ministarstvo unutrašnjih poslova Kantona Sarajevo, ulica La Benevolencije broj 16, koje zastupa ministar Admir Katica (u daljem tekstu: Ugovorni organ) i

BOSMAN d.o.o. Sarajevo, ulica Rakovička cesta 18, Sarajevo, koje zastupa generalni direktor Jahić Sunija (u daljem tekstu: Dobavljač)

Strane u okvirnom sporazumu saglasno konstatuju:

- da je Ugovorni organ u skladu sa članom 10 stav (1) tačka e) Zakona o javnim nabavkama ("Službeni glasnik BiH", broj 39/14) na osnovu Odluke broj 01-11-4-4830 od 29.09.2020. godine, raspisao Javni poziv za nabavku usluga zakupa prostora za odlaganje privremeno oduzetih motornih vozila za potrebe Ministarstva unutrašnjih poslova Kantona Sarajevo, sa ciljem zaključivanja okvirnog sporazuma sa jednim ponuđačem na period od 48 mjeseci;
- Okvirni sporazum ne predstavlja obavezu Ugovornog organa na zaključivanje ugovora o javnoj nabavci;
- Obaveza nastaje zaključivanjem pojedinačnih ugovora o javnoj nabavci, na osnovu ovog okvirnog sporazuma, u zavisnosti od potreba Ugovornog organa, a pod uslovima utvrđenim u ponudi ponuđača broj 559/P/20 od 19.10.2020. godine.

OKVIRNI SPORAZUM

o nabavci usluga zakupa prostora za odlaganje privremeno oduzetih motornih vozila za potrebe Ministarstva unutrašnjih poslova Kantona Sarajevo

Član 1.

Predmet okvirnog sporazuma je utvrđivanje uslova za zaključivanje pojedinačnog ugovora o javnoj nabavci usluga zakupa prostora za odlaganje privremeno oduzetih motornih vozila za potrebe Ministarstva unutrašnjih poslova Kantona Sarajevo u skladu sa uslovima iz tenderske dokumentacije, ponudom Dobavljača i odredbama ovog Okvirnog sporazuma.

Ukupna vrijednost ovog okvirnog sporazuma za četiri godine iznosi 232.000,00 KM bez PDV-a, (dvijestotinetridesetvijekiljade i 00/100 KM), odnosno godišnje 58.000,00 KM bez PDV-a. U navedeni iznos uključeni su troškovi transporta vozila sa postojeće lokacije - Poligon Butmir. Cijene su fiksne i ne mogu se mijenjati za vrijeme važenja ovog Okvirnog sporazuma.

Član 2.

Najkasnije 60 dana nakon obostranog potpisivanja Okvirnog sporazuma Dobavljač je dužan da osigura sve predulove za odlaganje motornih vozila predviđene u Obrascu za cijenu ponude (Aneks III Javnog poziva) nakon čega će se izvršiti primopredaja predmeta zakupa.

Član 3.

Nakon zaključenja okvirnog sporazuma, Ugovorni organ će zaključiti pojedinačne ugovore o javnim nabavkama. Pri zaključivanju pojedinačnih ugovora, ne mogu se mijenjati bitni uslovi iz ovog okvirnog sporazuma.

Član 4.

Ugovorni organ će ugovorenu cijenu plaćati u roku od 30 dana po dostavljanju fakture.

Član 5.

Dobavljač se obavezuje da ugovorenu uslugu izvrši u svemu prema propisima, standardima i

normama kvaliteta koji važe za vrstu usluga koje su predmet nabavke.

Član 6.

Ukoliko poslije zaključivanja ovog okvirnog sporazuma nastupe okolnosti više sile koje dovedu do ometanja ili onemogućavanja izvršenja obaveza definisanih okvirnim sporazumom, rokovi izvršenja obaveza će se produžiti za vrijeme trajanja više sile.

Viša sila podrazumijeva ekstremne i vanredne događaje koji se ne mogu predvidjeti, koji su se dogodili bez volje i uticaja strana u okvirnom sporazumu i koji nisu mogli biti spriječeni od strane pogođene višom silom.

Višom silom mogu se smatrati poplave, zemljotresi, požari, politička zbivanja, imperativne odluke vlasti i slično.

Strana u okvirnom sporazumu koja je pogođena višom silom, odmah će u pisanoj formi obavijestiti drugu stranu o nastanku nepredviđenih okolnosti uz prilaganje odgovarajućih dokaza.

Član 7.

Ovaj okvirni sporazum stupa na snagu potpisivanjem ovlaštenih predstavnika a primjenjuje se nakon ulaska u posjed i traje 48 mjeseci odnosno do realizacije ugovorenog iznosa.

Najkasnije 60 dana nakon obostranog potpisivanja okvirnog sporazuma izvršit će se primopredaja predmeta zakupa.

Član 8.

Ugovorne strane su saglasne da sva eventualno sporna pitanja rješavaju dogovorom, štiteći obostrane interese.

Sva, eventualno sporna pitanja rješavat će se dogovorom, štiteći obostrane interese.

U slučaju nemogućnosti zajedničkog rješenja, eventualno nastalog spora, spor će rješavati nadležni sud u Sarajevu.

Član 9.

Ovaj okvirni sporazum izrađen je u četiri (4) istovjetna primjerka, od kojih po dva (2) zadržava svaka strana.

DOBAVLJAČ
BOSMAN d.o.o. Sarajevo

generalni direktor
Jahić Sunija

Broj: 205/4/21

Datum: 07.10.2021



UGOVORNI ORGAN
MUP KANTONA SARAJEVO

minister
Admir Katica

Broj: 01-11-4-4830-4

Datum: 12.04.2021.